

# EL-WAZIF

E-BULETIN  
BIL. 8 / OKT 2021



Foto: Nabil

## Bicara Editor

*Mohd Nabil Zulhemay, FSKM, UiTM*

e-Buletin EL-WAZIF telah sampai ke edisi yang ke-8 pada bulan Oktober 2021. Secara peribadi, banyak yang saya sendiri dapat belajar dan perolehi dari mula penubuhan e-Buletin ini sehinggalah sekarang. Sememangnya saya aktif menghantar artikel-artikel dan gambar-gambar kepada majalah di pasaran tetapi skopnya agak berbeza. Malah tidaklah sehingga menjadi editor, saya hanyalah diberi sebuah ruangan sebagai kolumnis atau penulis bebas sahaja.

Tujuan utama e-Buletin EL-WAZIF adalah untuk menjadi wadah menzahirkan segala aktiviti dan program yang dijalankan sepanjang tertubuhnya Unit Waqaf, Zakat dan Infaq (EL-WAZIF), UiTM Cawangan Melaka di dalam bentuk penulisan. Selain bertujuan untuk merekod setiap gerak kerja dan aktiviti di dalam unit ini secara tidak langsung, e-Buletin ini juga menjadi medium perantara untuk menyampaikan maklumat kepada warga UiTM Cawangan Melaka khususnya.

Pada edisi kalini ini, saya telah menambah dan membahagikan kandungan mengikut kategori iaitu *Aktiviti EL-WAZIF, Kebun WaDI, Penulisan Ilmiah, Penulisan Umum/Kreatif, dan Pengumuman/Iklan*. Diharapkan inisiatif ini dapat memudahkan para pembaca menelusuri isi kandungan yang terdapat di dalamnya.

Semoga e-Buletin ini terus maju di masa mendatang. Terima kasih di atas sokongan yang diberikan oleh semua pihak.

### MENARIK ISU BULAN INI

- Buah Pertama Dipetik Dari Kebun WaDI
- Gambaran Kebun WaDI Dari Udara
- Abang Masuk Kolej
- Rasional Logo WaDI

..... dan banyak lagi.



# EL-WAZIF

*e-Buletin*

**Bil 8/Oktober 2021**

**UNIT WAKAF, ZAKAT DAN INFAQ (EL-WAZIF)  
UITM CAWANGAN MELAKA**

Universiti Teknologi MARA Cawangan Melaka © 2021

Hakcipta Terpelihara.

Tiada sebarang bahagian dari buletin ini boleh diubah suai, disiarkan semula, disalin, diterbitkan, dipindah milik atau dijual dalam apa jua bentuk sekalipun tanpa mendapat kebenaran secara bertulis daripada pihak Unit Waqaf, Zakat dan Infaq (EL-WAZIF), Universiti Teknologi MARA Cawangan Melaka.

e-ISSN 2805-5780

Diterbitkan oleh:

Unit Waqaf, Zakat dan Infaq (EL-WAZIF),  
UiTM Cawangan Melaka,  
Kampus Alor Gajah, KM 26 Jalan Lendu, 78000 Alor Gajah, Melaka,  
MALAYSIA.

Tel : 606-5582273,

Faks : 606-5582001

<https://melaka.uitm.edu.my/>

Saluran Komunikasi Unit EL-WAZIF,

UiTM Cawangan Melaka

E-mail : [el-wazif@uitm.edu.my](mailto:el-wazif@uitm.edu.my)

Facebook: <https://www.facebook.com/elwazifuitmcm>

Instagram: <https://www.instagram.com/elwazifuitm.edu.my/>

eISSN 2805-5780



9 7 7 2 8 0 5 5 7 8 0 0 8

## ISI KANDUNGAN

AKTIVITI EL-WAZIF	
Projek Telaga Wakaf Di Kemboja	1
KEBUN WaDI	
Buah Pertama Dipetik Dari Kebun WaDI	2
Sumbangan Kelengkapan Bilik Air WaDI	3
Gambar WaDI Dari Ruang Udara	3
Kunjungan Prof. Dr. Abd Halim Mohd Noor ke Kebun WaDI	4
Lawatan Penanda Aras UiTM Perak ke Projek WaDI	5
Gotong-royong Kolej Buah Bersama Sahabat WaDI	6
PENULISAN ILMIAH/KREATIF	
Take The Heed When Considering A Part-Time Job	7
Bekerja Dari Rumah & Cabaran Keibubapaan	8
Abang Masuk Kolej	9
Erti Kesyukuran	10
Bersama Mewakaf	12
	13
PENGUMUMAN/IKLAN	
Food Bank Siswa @ Pantry	14
Carta Alir Permohonan Zakat UiTMCM	15
Rasional Logo WaDI	16
WaDI di mata masyarakat	17
Ucapan Tahniah Kepada CEO Zakat Kedah	18
Media Sosial EL-WAZIF	



**SIDANG REDAKSI E-BULETIN EL-WAZIF**

**PENAUNG**

Profesor Dr. Abd Halim Mohd Noor  
*Menjalankan Tugas Rektor UiTM Cawangan Melaka*

**PENASIHAT**

Ustaz Abdul Hadi bin Mohd Saleh  
*Pakar Rujuk Waqaf dan Zakat, El-Wazif, UiTM Cawangan Melaka*

**PENGERUSI**

Ustaz Muaz Hj Mohd Noor  
*Koordinator Unit El-Wazif, UiTM Cawangan Melaka*

**EDITOR**

Mohd Nabil Zulhemay  
*Penyelaras Seksyen Waqaf, UiTM Caw. Melaka, Kampus Alor Gajah*

**PENOLONG EDITOR**

Puan Shahreena Bt Daud  
*Penyelaras Seksyen Waqaf, UiTM Cawangan Melaka, Kampus Bandaraya*

**AHLI JAWATANKUASA:**

**PELAPORAN AKTIVITI DAN SEMAKAN ARTIKEL**

Prof. Madya Dr. Rozman Bin Md Yusof  
*Penyelaras Seksyen Waqaf, UiTM Cawangan Melaka, Kampus Bandaraya*

Ustaz Ahmad Ammar Bin Rozaini  
*Penyelaras Seksyen Zakat, UiTM Cawangan Melaka, Kampus Bandaraya*

**PEREKA BENTUK GRAFIK**

Mohd Nabil Bin Zulhemay  
*Penyelaras Seksyen Waqaf, UiTM Cawangan Melaka, Kampus Jasin*

Ustaz Muhammad Faiz Mohd Fadzil  
*Penyelaras Seksyen Infaq, UiTM Cawangan Melaka, Kampus Jasin*

# Projek Telaga Wakaf Di Kemboja

*Kerjasama Persatuan Intellectual Student's Association (INSAN) & EL-WAZIF*

Projek khas pembinaan telaga & tempat wuduk di Kemboja ini dilaksanakan bertujuan membantu penduduk di kawasan pedalaman Kemboja bagi mendapatkan sumber air.

Air merupakan antara sumber terpenting di dalam kehidupan manusia seharian. Dengan adanya telaga ini, dapatlah kiranya meringankan bebanan yang dihadapi penduduk di lokasi yang disasarkan untuk mendapatkan bekalan air.

Persatuan Intellectual Student's Association (INSAN) dengan kerjasama Unit Waqaf, Zakat dan Infaq (EL-WAZIF), UiTM Cawangan Melaka membuka peluang kepada semua yang ingin menyumbang dalam Dana Wakaf Telaga dan Tempat Wudhuk untuk masyarakat Kemboja yang memerlukan.

Sumbangan boleh disalurkan ke dalam akaun UiTM seperti yang tertera di poster.

Bagi mereka yang memerlukan resit bayaran untuk pengecualian cukai, sila isi maklumat anda di dalam [borang ini](#) <--klik di sini.

Derma boleh disumbang dengan serendah RM5. Semoga ibadah kita ini diterima serta diberkati Allah SWT.

Untuk sebarang maklumat lanjut sila hubungi nombor dibawah :

Tengku Imran Fakhri : 0 11-1059 7374

(Pengarah Program)

Ustaz Mohammad Shafiei Ayub : 017-528 2703

(Penasihat Persatuan INSAN)

Ustaz Muaz Mohd Noor : 013-3528156

(Koordinator El-Wazif)

Cawangan Melaka

UNIVERSITI TEKNOLOGI MARA

Projek Khas Pembinaan Telaga & Tempat Wuduk Di Kemboja

**JOM DERMA RM5**

SALURKAN SUMBANGAN ANDA KE  
**BANK ISLAM MALAYSIA BERHAD**  
**04024010017652**  
TRANSFER REFERENCE : INSAN  
**UITM KAMPUS MELAKA**

"Penyumbang juga boleh menderma jumlah seikhlas hati"

insanlendu Insan uitm lendu insan\_uitmlendu

#TingkatkanTaqwaKuatkanUkhuwwah



## Buah Pertama Dipetik Dari Kebun WaDI



Benarlah kata orang, berbudi pada tanah pasti dapat hasilnya. Inilah ungkapan yang paling sesuai menggambarkan hasil yang diperolehi dari kebun atau dusun WaDI.

Pkok jambu batu jenis Lohan yang ditanam oleh sahabat WaDI kini telah membuah hasil. Jambu Lohan ini tidak mempunyai musim yang khusus (tidak bermusim) dan mampu berbuah seawal 6 bulan tempoh matang. Malah berat sebiji buah jambu ini boleh mencapai sehingga setengah kilogram sebiji.

Jambu batu terkenal dengan zat dan vitamin tersendiri. Selain dapat meningkatkan kawalan gula dalam darah, ianya juga tinggi kada antioksidan. Banyak lagi khasiat yang terkandung di dalam buah jambu ini selain bernilai tinggi di pasaran tempatan mahupun luar negara.

Sememangnya berbaloi hasil titik peluh sahabat WaDI sekalian sehingga terzhahir dengan senyuman lebar yang dipaparkan.

Terima kasih kepada pewakaf yang telah menyumbang tidak kira dari segi wang ringgit, tenaga mahupun masa demi menjayakan misi WaDI. Semoga Allah membalas usaha dan keringat yang disalurkan.



# Sumbangan Kelengkapan Bilik Air WaDI

Kebun WaDI telah menerima sumbangan keperluan dan kelengkapan bilik air serta tandas dari seorang pensyarah Akademi Pengajian Bahasa (APB), UiTM Cawangan Melaka.

Antara barangan yang disumbangkan berupa sinki tandas, set tandas duduk dan pintu plastik.

Terima kasih kepada pensyarah terbabit. Bayangkan betapa besar ganjaran yang diperolehi dari sumbangan yang diberi setiap kali barang tersebut memberi manfaat kepada orang lain.



Kepada sesiapa yang berhajat menyumbang untuk kelengkapan bangunan stor dan stesen kerja WaDI, boleh berhubung dengan Encik Amran Abd Razak iaitu Penolong Pengurus WaDI di talian 019-216 7541.

Antara barangan yang diperlukan adalah seperti Simen, pasir, zink, jubin lantai, air mineral botol, dan lain-lain keperluan.

# Gambar WaDI Dari Ruang Udara

*Gambar suasana tapak projek Waqaf Dusun Ilmu (WaDI), UiTM Cawangan Melaka, yang dirakam menggunakan dron pada 6 Oktober 2021.*





# Kunjungan Prof. Dr. Abd Halim Mohd Noor ke Kebun WaDI

*Prof. Dr. Abd Halim Mohd Noor yang menjalankan tugas Rektor UiTM Melaka telah sempat meluangkan masa melawat tapak WaDI pada 7 Oktober 2021 yang lalu. Berikut merupakan gambar-gambar yang sempat lensa kami kami rakamkan sewaktu lawatan beliau tempoh hari.*






# Lawatan Penanda Aras UiTM Perak ke Projek WaDI





Telah berlangsung lawatan penanda aras secara maya ke projek Waqaf Dusun Ilmu (WaDI), UiTM Melaka oleh UiTM Cawangan Perak pada 18 Oktober 2021 yang lalu.

Lawatan dari UiTM Perak ini diketuai oleh Ybng. Sr. Dr. Mohd Azian Zaidi, Timbalan Rektor Hal Ehwal Pelajar (TR HEP), UiTM Perak, Ustaz Hamdi Rahman bin Mohd Yaacob, Koordinator Unit Zakat, Sedekah dan Wakaf (UZSW) UiTM Perak serta beberapa staf dari UZSW dan MASMED, UiTM Perak.



Taklimat khas perjalanan projek WaDI ini telah dibentangkan oleh Ustaz Muaz Hj Mohd Noor, Koordinator El-Wazif, serta Dr Mohd Faizal P. Rameli, Ketua Pengurus WaDI, UiTM Cawangan Melaka.





# Gotong-royong Kolej Tuah Bersama Sahabat WaDI

Program gotong-royong membina pagar sementara di kebun WaDI oleh sahabat WaDI, dibantu oleh pelajar-pelajar dari Jawatankuasa Perwakilan Kolej (JPK) Tuah, UiTM Cawangan Melaka.





# Take The Heed When Considering A Part-Time Job

*Oleh: Dr. Muhd Imran Abd Razak, ACIS, UiTM Caw. Perak & Dr. Nurul Kamalia Yusuf, APB, UiTM Caw. Perak*

The pandemic has posed an existential dread that influences changes in life norms and earnings. The pandemic is not only a global health predicament; it has caused a severe economic downturn. In the quest to pull through, droves of people even contemplate illegal means to make ends meet in this period of retrenchment and salary cut. On the flip side, some still have the main job and are permitted to work from home to experience more flexibility. They take on an extra job to earn extra money on the side.

Perhaps a second or part-time job is not paying as much as the primary job but enough to earn a little extra on the side. The few hours of work could entail selling stuff online, writing paid social media content, tutoring, handyman services, or simply doing hobbies. The flexibility that the internet offers also has made part-time jobs possible.

Prophet Muhammad said, "it is better for anyone of you to carry a bundle of wood on his back and sell it than to beg of someone whether he gives him or refuses" [Al-Bukhari and Muslim]. While making halal earnings from a good source is a religious obligation (harus), there are some rules to observe as one strives to sustain themselves with a part-time or a second job.

Learn the conscience of pure and right earning. Ensure that the work complies with the shariah standards. If the worker decides to work for someone other than his/her employer, ensure that system that they employed is free from any elements forbidden by the religion. They are responsible for ensuring that the products sold or produced by the company have halal status. Ensure that the company's services do not contain fraud, coercion, ambiguity (gharar), betting, and illegal usury. Do some research about the companies before accepting an offer to not fall into a forbidden business or transaction.

Ensure that the work does not get out of hand and interferes with the full-time job and the actual task because any work done by a hired worker during working hours belongs to the employer. The employers should receive the completed tasks agreed upon during these hours. Due to this, a worker should refrain from working for another employer during working hours. It is prohibited for a worker to spend his effort on themselves or others except with the employer's consent. This is crucial as they still earn income from the full-time job even while at the same time doing part-time work. Workers are obligated to make themselves available to their employer during working me through proper time management skills.

hours. Setting aside primary duties for the sake of earning extra income is tyranny and wickedness that Islam forbids. When considering a part-time job, a worker needs to prioritize to boost their productivity at their full-time job and maximize their time through proper time management skills.

Understand the purpose of earning and not because of greed or solely to spend on unnecessary items such as the latest gadgets or new set of branded items to appear fad or cool out there. Instant gratification does not promise peace or happiness and could turn into destructive earning. A Muslim must take their job as an act of worship, including part-time jobs.

A genuine intention that leads our action is highlighted repeatedly in religious teachings. When considering a part-time job, ensure that

the priority is to spend on necessities, serve the family, and please Allah SWT. While striving to make earning, do not abandon or neglect the obligations towards religion such as five daily prayers, fasting during Ramadan, paying zakat, performing Hajj if able, and other basic obligations to oneself, family, and the society. It is obligatory to pay zakat and be honest in taxation. Avoid cheating in income statements and details about part-time work done. The income from a job, including a part-time job, is obliged for zakat once it meets the essential wealth criteria.

Ultimately, the pursuit of extra income is permissible in Islam. However, it must follow the religious rules and laws of the country. Give alms and infaq so that the income earned is blessed. May all Malaysians going through trying times, find a means of making a decent and lawful earning.

## Bekerja Dari Rumah & Cabaran Keibubapaan

*Oleh: Zurah Binti Abu, FSKM, UiTM Cawang Melaka*

Hampir dua tahun seluruh dunia kini telah dilanda pandemi wabak Coronavirus Disease 2019 (Covid-19). Namun masih tiada ramalan yang tepat menjangka sejauh mana virus ini akan tersebar dan lenyap. Berdasarkan laporan yang dikeluarkan Jabatan Perangkaan Malaysia, sebanyak 44,307 kematian di Malaysia direkodkan pada suku tahun kedua 2021 di mana ianya menunjukkan peningkatan sebanyak 10.1% berbanding suku tahun kedua 2020.

Justeru, laporan ini menggambarkan bahawa rakyat Malaysia dijangka akan hidup bersama Covid-19 ini dengan norma dan rutin harian baharu dalam satu tempoh masa yang lama lebih-lebih lagi kehadiran varian baru yang lebih mudah tersebar.

Arahan bekerja dari rumah (BDR) telah dilaksanakan susulan pelaksanaan Perintah Kawalan Pergerakan (PKP) akibat peningkatan kes Covid-19. Salah satu objektif arahan BDR ini adalah bagi membantu mengurangkan beban ibu bapa yang bekerja, tetapi anak perlu berada di rumah susulan pelaksanaan Pengajaran dan Pembelajaran di Rumah (PDPR) untuk murid sekolah. Pada awalnya, pelbagai tanggapan dan perbualan diviralkan netizen berkenaan BDR ini. Walaubagaimanapun, secara realitinya, BDR adalah merupakan satu cabaran baru.

Bekerja sambil menguruskan rumah tangga serta menjadi guru dan memantau PDPR anak-anak dalam satu masa bukanlah mudah. Menyantuni generasi Z dan generasi Alpha terlalu banyak cabaran di zaman perkembangan teknologi ini. Di kala ini, pelbagai faktor sampingan selain dari BDR, PDPR dan batasan keluar rumah boleh mempengaruhi emosi dan tingkah laku anak-anak termasuk ibu bapa sendiri. Telah banyak perkara buruk telah berlaku sepanjang pandemi ini seperti tekanan jiwa, kes bunuh diri, tindakan tatatertib dikenakan ke atas penjawat, isu pukul anak, mental anak koyak kesan pergaduhan dan penceraihan ibu bapa, anak menjadi biadap serta menghabiskan masa dengan gajet dan banyak lagi.

Dari sudut positif, moga kewujudan virus ini mengingatkan dan mendekatkan kita khususnya umat Islam kembali kepada Yang Maha Esa. Sesungguhnya dunia hanya tempat tinggal sementara bertepatan dengan firman Allah SWT dalam Surah Al-Mukminun, ayat 114 yang bermaksud "Dia (Allah) berfirman, "Kamu tinggal di bumi hanya sebentar sahaja, jika kamu benar-benar mengetahui". Pandemi ataupun tidak, pokok pangkalnya, dalam keterujaan kita mendidik anak-anak, didikan keibubapaan berlandaskan al-Quran dan hadis mestilah kita terapkan dalam menghadapi cabaran generasi masakini. Akidah yang teguh akan menjadi benteng dalam jiwa anak-anak bagi menepis ancaman dan pengaruh negatif yang datang. Maka, jalankanlah BDR dengan amanah dan sebijaknya agar keberkatan hidup serta hubungan kekeluargaan yang lebih erat diperolehi.

mama atau apa panggilan sekalipun. Banyak pengalaman gunung juga denganya. Tak tergambar perasaan pagi ini, gembira sedih semua ada bercampur baur. Semua pelajar dah beratur untuk pendaftaran pagi ni.

"Abang, cepat". Dengan pantas Abang berlari anak sambil mencapai fail yang dibawa. Beg dan barang keperluan lain semuanya di bawa sekali. Aku hanya memandangi. Matahari semakin panas. Silaunya menghangatkan.

Dari kejauhan, ramai ibubapa yang berpusu-pusu sama menghantar anak masing-masing. Kami sama. Semua menghantar dengan harapan yang sama.

Selamat Maju Jaya Abang.

# Abang Masuk Kolej

*Oleh: Norida Bt Abu Bakar*

Berdebar. Berdebar pulak. Tak tahu nak cakap macam mana. Tapi itu yang aku rasa. Penuh dengan debaran.

Dari semalam tak boleh tidur. Risau sangat. Anak nak masuk kolej je. Tapi debarnya tuhan saja yang tahu.

Biasa aku panggil ABANG je. Atau Dak Abang (kan orang Melaka). Habis SPM haritu sibuk nak kerja katanya nk cari duit buat lesen. Kesian pulak aku dengar. Tapi tak apalah sebab budak-budak sekarang memang kena ajar dan tidak boleh dimanjakan. Kata hati, arh biar je la. Sebab aku dulu pun bukan orang senang. Mak selalu cakap, kalau nak apa-apa kena usaha cari sendiri jangan harapkan orang. Kata-kata mak masih terngiang lagi di kepalaku, walaupun mak telah tiada.

"Abang, masuk kolej ni ingat ya.. abang cakap nak belajar bersungguh-sungguh. Ummi nak abang buat yang terbaik untuk diri abang. Untuk Ummi dan keluarga kita. Abang dah janji kan nak jaga Ummi bila ummi tua nanti."

"Ya lah ummi, Abang janji dengan diri sendiri. Abang akan belajar bersungguh-sungguh. Abang nak jaga Ummi. Tapi Ummi janganlah tua dulu. Tunggu Abang habis belajar ya," katanya dengan penuh harapan. Aku lihat dia tersenyum. Anak sulung dari tiga beradik. Adiknya kembar tiga, semuanya lelaki. Namun, saat akhir seorang daripadanya tidak dapat diselamatkan.

Anak sulung segalanya bagi seorang ibu. Dengan dialah kita mula belajar menjadi ibu, mak, ummi, baru bermula dengannya. Harapan setinggi



## Erti Kesyukuran

*Oleh: Noordiana Sukur*

Diluar hujan semakin reda setelah turun mencurah curah sejak pagi tadi. Waktu waktu begini hendak keluar pun tempat basah semua. Maka berkumpul seisi keluarga di dapur. Duduk dan saling bertukar cerita, menikmati kudapan petang. Ubi rebus dan kopi di hari hujan. Cara orang Jawa, ubi rebus lawannya mestilah sambal yang pedas pedas. Jarang sekali dicicah bersama sambal tumis ikan bilis. Yang pastinya sambal godok atau sambal totok menjadi pilihan.

“Emak, ubi rebusnya ada lagi tak?” tanya Oli sesudah menghabiskan ubi yang terakhir di dalam pinggan. Pinggan kosong tersebut seakan berkilat dibersihkan Oli. Langsung tidak bersisa.

“Tak ada lah Li. Emak dah masakkan semua ini. Kalau nak lagi, esok tolong abah cabut ubi kat tepi rumah tu. Bolehlah emak buat ubi goreng nanti.” cadang emak menyedapkan hati Oli.

Oli terangguk-angguk. Menerima cadangan emak.

Esok ubi goreng? Biar betul Oli ni. Semalam ubi masak ‘ungkep’. Hari ini ubi rebus, dan esok resepi ubi goreng? Ya Allah, dah macam duduk di zaman penjajahan Jepun pula.

Cerita nyai tentang betapa susahny hidup orang di Tanah Melayu suatu tika dahulu kini berulang tayang dilayar mata. Segala benda dicatu termasuk makanan. Sebutir beras pun susah hendak jumpa. Inikan pula dapat bertanak nasi. Alhamdulillah, bumi Tanah Melayu tanahnya subur untuk bercucuk tanam. Ubi kayu yang di tanam merata kampung buat pilihan mengalas perut yang kosong.

“Hari-hari ubi, muka kamu pun dah macam ubi” usikku seraya membuat wajah Oli masam mencuka.

“Daripada akak tu, hari-hari ayam. Hm..ayam gorenglah, ayam masak merahlah, ayam asam pedaslah. Ayam karilah. Semuanya makanan mahal-mahal. Oli suka yang murah-murah je. Makanan orang kebiasaan.” sindirnya buat aku mencebik.

Tak kisahlah nak kata wajah ini macam ayam pun tidak mengapa. Sudah tentu-tentu lauk itu kegemaran aku.

“Cemburulah tu. Lagipun, kita bukan susah nak makan ayam. Abah bela berpuluh-puluh ekor ayam kampung. Semuanya sihat sihat. Kalau nak, tangkap sahaja. Kemudian sembelih, rebus dan bersihkan apa yang patut.” tuturku sambil meniru aksi bersahaja pelawak di televisyen.

“Samalah Oli. Pokok ubi kayu tu keliling dapur. Cabut dan keluarkan isinya sahaja.” Pertahan Oli pula. Mulut kecilnya sudah mengukir ejekan.

“ Sudah..sudah...jangan bergaduh depan rezeki. Esok, mak kamu masak ubi dan ayam sekali. Dua-dua Yana dan Oli boleh makan puas-puas. Cakap sahaja. Oli, nak berapa batang? Sepuluh sahaja? Yana nak ayam berapa ekor? Nanti abah tangkapkan. Lima ekor cukup?” bicara abah memamatkan pertengkaran kami.

Kami terdiam. Menunduk bagai patah leher. Sejujurnya tak mampu memandang wajah itu bila suara dalam abah bertukar garau dan tinggi. Abah marah.

“ Dah selalu abah bagi ingat, depan rezeki tak elok bergaduh. Allah bagi rezeki untuk kita harga. Macamana kalau Allah tarik rezeki sebab kakak dan adik tak harga?” bicara emak melontar rasa kurang senang dek perilaku anak-anaknya.

“ Tidak semua orang dapat merasai nikmat makan ayam dan ubi. Macam Epah, kesian kan dia? Baju sekolah pun dah tak warna putih. Kasut masih pakai yang lama lama. Nak berbelanja di kantin pun berkira-kira. Apatah lagi hendak merasa lauk pauk yang sedap macam ayam goreng. Allah hendak menduga, bila-bila masa sahaja. Cuba adik dan kakak bayangkan, kamu berdua berkeadaan demikian. Susah ke senang?” bicara abah nadanya tegas.

“ Susah...” jawab kami serentak. Namun cukup perlahan.

Ubi atau ayam goreng? Mana-mana pilihan pun aku masih berbaju dan berkasut elok Masih dapat bekalan nasi dan berlaukkan ayam setiap hari. Tapi Efah...dia bukan seperti kami. Dia sekeluarga duduk menyewa di pekan. Manalah ada tanah nak bercucuk tanam dan membela ayam.

Sudahlah hidup dalam serba kekurangan, jadi pula mangsa usikan dan ejekan kawan di sekolah. Disaat pandemik Covid19 melanda dunia, seluruh keluarganya semakin hilang punca. Hanya pokok-pokok getah Haji Majed itulah sumber pendapatan mereka sekeluarga.

Sesekali ayahnya pakcik Khalid datang ke rumah, mengambil upah menebas semak samun di kebun abah. Emak Efah pun lama dah tak bekerja di kedai Ah Lim. Kedai itu tutup lama sejak PKP kedua, kata orang kedai kain tersebut tak dapat beroperasi seperti selalu. 20 tahun tak pernah tutup lama. Tapi dek pandemik, Kedai Kain Ah Lim bakal tutup selama-lamanya

Aku pula manusia yang dilahirkan sederhana. Walau tidak semewah mana seharusnya lebih berterima kasih pada si DIA.

“ Adik minta maaf emak..” tergugup adik membalas renungan kasih emak. Nasihat kecil tentang betapa perlunya menghargai kurniaan Allah Taala sungguh menusuk ke hati kami.

“ Kakak pun minta maaf..” kataku melahirkan kekesalan.

“ Sudah..sudah.. Tak mahu menangis. Kakak dah besar panjang, adik pun macam tu.

Kata nak jadi askar. Askar mana boleh nangis macam orang perempuan. Askar kena kuat dan tahan diuji.” Pujuk emak tatkala melihat kelopak mata kami yang mula bergengangan.

“ Kakak....” pujuk emak sambil mengusap-usap pipiku. Sentuhan itu buat aku sayu. Tak semena mena air mata yang ku seka sedari tadi tumpah juga.

“ Alahai...janganlah gembeng kakak” Oli dah tersenyum senyum menahan tawa. Dapat kakak terlebih sensitif. Bila dah sebak mulalah nak menangis. Bukan sedikit-sedikit, tapi dah meraung bagai tubuh kena palu.

Gembira dalam sederhana. Bersyukur apa adanya. Setiap dari kita diduga, Cuma dengan apa dan bagaimana, itu perjalanan diatur yang Esa. Terima kasih abah dan emak. Kerana selalu menegur bila kami alpa, mengingat bila kami lupa.



# Bersama Mewakaf

*Oleh: Noor Izam Bin Samin, PTAR,  
UiTM Cawangan Melaka*

Hidup ini hanya menumpang  
di bawah pohon merendang  
berpaut usia di dahan bercabang  
dibajai dijirus berkasih sayang  
biar kukuh setiap detik menjelang  
waspada bayu jelma menggoncang  
manusia biasa hanya merancang

Mari bersama kita mewakaf  
dihiasi usia masih bersisa  
hari kemudian disesali tiada  
sampai masa ke liang pusara  
usah merintah merayu sia-sia  
agar dapat kembali ke dunia  
walau sekelip mata tapi hampa

Biarkan tangan di atas memberi  
lebih baik dari tangan menerima  
kerelaan di hati yang terbuka  
walau diberi itu sedikit cuma  
ikhlas mekar keberkatan-Nya utama  
bernilai di sisi-Nya Maha Pencipta.

Foto: Nabil

## Food Bank Siswa @ Pantry

Pusat pemberian makanan secara percuma kepada pelajar-pelajar UiTM Melaka (Kampus Alor Gajah) yang kurang berkemampuan kini kembali beroperasi pada semester Oktober 2021 ini.

Waktu operasi adalah pada setiap hari Selasa dan Khamis mulai jam 5 petang hingga 7 petang. Harap maklum.

Sekiranya tuan/puan ingin menyumbang makanan atau barangan penjagaan diri kepada pelajar-pelajar UiTM Melaka (yang menginap di kolej kediaman), boleh huluskan bantuan ke pejabat Hal Ehwal Pelajar (HEP), UiTM Melaka.

Untuk maklumat lanjut, boleh hubungi en Mohd Irwan bin Rosli, pegawai eksekutif kanan HEP, Kampus Alor Gajah ditalian 019-3152289.



 UNIVERSITI TEKNOLOGI MARA

**WE NEED TO REPLENISH  
FOOD BANK SISWA  
'THE PANTRY'**

**YOUR FOOD DONATION,  
BIG OR SMALL,  
CAN MAKE  
A **BIG** DIFFERENCE**

**Food/ Item needed**

<b>Biscuits</b>	<b>Canned Food :</b>
<b>Oat/ Nestum</b>	<b>Tuna Spread</b>
<b>Cereal</b>	<b>Sardine</b>
<b>Instant Noodles</b>	<b>Mushroom Soup</b>
<b>Cooking Oil</b>	<b>Condensed Milk</b>
<b>Sugar</b>	
<b>Milo/ Nescafe</b>	<b>Toiletries &amp; Sanitary pad</b>
<b>Tea</b>	
<b>UHT Milk</b>	

## DERMA MAKANAN DI *the pantry*



- Oat +
- Bijirin +
- Milo +
- Kopi +
- Buah-buahan +
- Biskut +
- Makanan Kering +
- Barangan Penjagaan Diri +



# PERMOHONAN ZAKAT UiTM KINI DIBUKA!

SEMESTER OKTOBER 2021 - FEBRUARI 2022

**Permohonan zakat:**

**Tarikh buka: 18 Oktober 2021**

**Tarikh tutup: 19 November 2021**

**Termuduga:**

**Tarikh mula: 1 November 2021**

**Tarikh tutup: 30 November 2021**



**Iklan Zakat  
UiTMCM**

Link permohonan zakat di  
Portal Pelajar UiTM: <https://istudent.uitm.edu.my/>

Untuk Maklumat Lanjut  
Layari **Facebook El-Wazif UiTM Cawangan Melaka**

atau

Hubungi:

KAG: **013-3999132** (Ustaz Faisal)

KBM: **017-3574794** (Ustaz Ammar)

KJM: **019-6930297** (Ustazah Rafedah)

## IKLAN PERMOHONAN ZAKAT UiTM CAWANGAN MELAKA, SEMESTER OKTOBER 2021 - FEBRUARI 2022

Dengan segala hormatnya Seksyen Zakat di bawah Unit Waqaf, Zakat dan Infaq (EL-WAZIF) ingin memaklumkan bahawa permohonan zakat pelajar bagi semester Oktober 2021 - Februari 2022 akan dibuka bermula 18 Oktober 2021 hingga 19 November 2021.

Langkah dan prosidur memohon zakat:

1. Login portal istudent UiTM. Baca manual E-ZAKAT dalam portal pelajar.
2. Buka E-HEP (klik "eHEP System") di Portal Pelajar dan isi E-ZAKAT di menu 6.0.
3. Mengisi maklumat yang diminta SERTA memuat naik dokumen-dokumen yang diperlukan.
4. Pelajar yang berstatus DERMASISWA DISOKONG DAN BERJAYA UNTUK TEMUDUGA akan ditemuduga secara panggilan telefon atau atas talian (Online).
5. Penting untuk dijelaskan, sesi temuduga ini adalah TERSASAR KEPADA PEMOHON-PEMOHON TERTENTU SAHAJA (DITENTUKAN OLEH PANEL ZAKAT). Ini bermakna TIDAK SEMUA pemohon akan menerima panggilan untuk sesi temuduga.
6. Para pemohon secara umumnya akan DINILAI KELAYAKAN MEREKA BERDASARKAN MAKLUMAT DAN DOKUMEN YANG DILAMPIRKAN DI DALAM LAMAN E-ZAKAT (UiTM iSTUDENT PORTAL). Sehubungan dengan itu, para pelajar perlu mengisi maklumat dengan lengkap, jujur dan amanah.
7. Senarai nama pelajar yang BERJAYA DALAM PERMOHONAN ZAKAT akan dikeluarkan pada awal bulan DISEMBER 2021 INI, melalui platform FACEBOOK "EL-WAZIF UiTM CAWANGAN MELAKA".

# Carta Alir Permohonan Zakat UiTMCM

#zakatuitm  
#zakatuitmcm  
#elwazifuitmcam



Di atas merupakan carta alir proses permohonan zakat pelajar UiTM Cawangan Melaka, bagi ketiga-tiga kampus (KAG, KBM dan KJM), semester Oktober 2021-Februari 2022.

Permohonan zakat pelajar boleh dibuat melalui sistem E-ZAKAT, yang terdapat pada portal i-student UiTM.

Link permohonan zakat:  
[https://istudent.uitm.edu.my/index\\_isp.htm](https://istudent.uitm.edu.my/index_isp.htm)

Link rasmi iklan zakat dan sedekah UiTM Cawangan Melaka:  
<https://www.facebook.com/elwazifuitmcm>

Sebarang pertanyaan boleh hubungi:

1. Seksyen Zakat, Kampus Alor Gajah  
Ustaz Nor Mohd Faisal Md Ariffin  
No. Tel Pejabat: 06 5582335  
No. Tel. Hp: 013-3999132

2. Seksyen Zakat, Kampus Bandaraya Melaka  
Ustaz Ahmad Ammar bin Rozaini  
No. Tel. Pejabat: 06 2857039  
No. Tel Hp: 017-3574794

3. Seksyen Zakat, Kampus Jasin Melaka  
Ustazah Nor Rafedah Mohsan  
No. Tel. Pejabat: 06-2645124  
No. Tel Hp: 019-6930297



# Rasional Logo WaDI

## RASIONAL LOGO WaDI



- Perkataan "Waqaf Dusun Ilmu" sebagai nama projek.
- Perkataan "WaDI" adalah singkatan kepada 'Waqaf Dusun Ilmu'. Sementara "2020" merujuk Tarikh projek ini bermula.
- Lambang matahari atau bulan. Sebagaimana tanaman memerlukan sinaran cahaya matahari dan bulan, begitu juga dengan menuntut ilmu, dituntut pada siang atau malam hari.
- Gambar daun. Melambangkan identiti projek wakaf ini iaitu wakaf tanaman / tumbuhan.
- Dua bulatan (oren dan merah) melambangkan projek ini bertingkat dan bertempat di lereng bukit, seterusnya menghidupkan keindahannya dan menyerlahkan integrasi antara elemen dusun dan pusat rekreasi.
- Gambar buku. Sebagai gambaran "ilmu" adalah teras bagi kewujudan, kelestarian dan kejayaan projek wakaf ini.
- Perkataan "UiTM Cawangan Melaka" menjelaskan projek ini adalah projek UiTM Cawangan Melaka.

Logo dihasilkan oleh  
Tengku Shahril Narzaimi Tengku Hariffadzillah,  
Pensyarah FSSR, UiTM Melaka.



PEMANDANGAN keseluruhan tapak projek Waqaf Dusun Ilmu (WaDI) UiTM Melaka kampus Alor Gajah yang dirakam dari udara.

**P**ROJEK wakaf tanaman buah-buahan UiTM Cawangan Melaka yang dititikberatkan kepada ilmu memajukan fasa kedua iaitu fasa penjagaan, pemeliharaan dan rawatan tanaman pokok buah-buahan sebagai jenis.

Projek yang diberi nama Waqaf Dusun Ilmu atau singkatananya WaDI UiTM Melaka telah mengorak tula seragam tahun apabila telah memusnahkan tempoh separuh tahun sejak dilaksanakan penanamannya.

Projek yang ditanggung dalam kawasan yang berhampiran dengan pintu masuk 2 UiTM Kampus Alor Gajah ini dibina seramik pesai dengan kemudiannya sehingga menjadi buah manfaat masyarakat setempat dan warga UiTM khususnya.

Prof. Dr. Abd Halim Mohd. Noor yang menjalankan tugas sebagai UiTM Cawangan Melaka berkata, projek WaDI ini bertitik kepada fasa baru perancangan kebun ini, walaupun negara ketika ini berada dalam peringkat kawalan pergerakan (PKP).

"Walaupun ada kekangan beberapa aktiviti gara-gara PKP, kita dapat menggerakkan kerja-kerja asas pertanian di WaDI seperti sediakala apabila berupaya menyediakan sumber tenaga buruh seperti mana bagi memajukan kawasan tanaman ini.

### Waqaf Dusun Ilmu UiTM berjalan lancar

## Masuk fasa penjagaan pokok buah-buahan



TUKANG kebun WaDI menjalankan kerja-kerja menggembur tanah dan membersihkan kawasan tanaman anak pokok.

"Ini penting supaya pertumbuhan pokok buah-buahan ini meningkat laju yang ditunggu. Selain itu juga merupakan satu manifestasi komitmen wakaf yang dibenarkan dengan elemen rekreasi. Bahkan kita juga mendapat maklum balas positif daripada masyarakat setempat yang

buah pelbagai jenis, serta pemeliharaan kearah rekreas dan riadah seperti trek jogging, trek berbasikal, kolam, trek aktiviti laju (dialap), padang dan sebagainya.

Antara pokok yang ditanam di kawasan seluas 6ha kira-kira hektar ini ialah pokok durian Musang King, durian Duri UiTM, pokok mangga Menta, pokok rambutan Mutiara, cempepok, mangka, kelapa Mataj dan lain-lain.

**MENGALU PEKERJA**  
Bermula awal Juhai lalu, pihak WaDI mengahap seorang pekerja sepenuh masa bagi menjalankan tugas-tugas seperti memuliharaan, merampal, memadam dan membaja setiap minggu.

Sementara itu, Koordinator Unit Zakat, Wakaf dan Sedekah (U-ZWSD) UiTM Cawangan Melaka, Musz Mohd. Noor memberitahu, kutipan sumbangan wakaf bagi projek ini sudah terkumpul hampir RM 70,000 sejak dilancarkan awal tahun ini.

"Kami mengucapkan terima kasih yang tidak terhingga kepada semua penyumbang dan pewakaf-pewakaf WaDI, baik dari orang perseorangan, kumpulan dan persatuan yang menyumbangkan kepada projek amal ini.

"Walaupun tidak dapat bergerak berkesan secara fizikal dengan bantuan penyumbangan secara dalaman, kita berjaya memperolehi sumbangan dari tanah di kawasan tersebut dari Sabah dan Sarawak", ujarnya.

September lalu, WaDI menerima sumbangan RM12,500 dari Pakatan Pengurusan dan Pemajangan (PPP), UiTM Cawangan Melaka, antara jumlah terbesar setakat ini.

Menurut Musz, WaDI menawarkan kutipan keseluruhan RM10,000 bagi tempoh satu ke tiga tahun, ia meliputi kos input pertanian, kos input pembangunan seperti pemeliharaan stor dan stesen kerja WaDI serta kos tenaga kerja atau berah.

"Pewakaf boleh menyumbang melalui pelbagai kaedah seperti sumbangan terus ke akaun Bendahari UiTM Cawangan Melaka melalui akaun Bank Islam, 0100-4100-0700-50 (telukam; Waqaf Dusun Ilmu) atau melalui pejabat el Waqaf UiTM Melaka untuk maklumat lanjut", ujar beliau.

# WaDI di mata masyarakat

WaDI telah mendapat liputan media arus perdana (Utusan Malaysia) pada 20 Oktober 2021 lalu. Berita di akhbar berkenaan memaparkan perjalanan dan perkembangan terkini projek WaDI sehingga kini.

Dengan liputan oleh media ini, WaDI kini dapat diketahui oleh segenap masyarakat. Ianya satu perkembangan yang positif dengan mengetengahkan konsep wakaf di mata umum. Selain itu, WaDI juga boleh menjadi penanda aras kepada organisasi atau institusi lain untuk melaksanakan konsep yang sama iaitu wakaf berkaitan pertanian.

Layari [Utusan Online](#) untuk membaca berita penuh.

# Ucapan Tahniah Kepada CEO Zakat Kedah



# Tahniah

**TOKOH MAULIDUR RASUL**  
PERINGKAT KEBANGSAAN  
1443H / 2021M

**SYEIKH ZAKARIA BIN OTHMAN**  
CEO LEMBAGA ZAKAT NEGERI KEDAH

Ikhlas daripada unit  
Waqaf, Zakat dan Infaq (EL-WAZIF),  
Center for Islamic Philanthropy & Social Finance (CIPSF),  
dan seluruh warga UTM Cawangan Melaka.



UNIVERSITI  
TEKNOLOGI  
MARA

Cawangan Melaka





# Like & Follow

## Media Sosial EL-WAZIF

*Ikuti perkembangan terkini program dan aktiviti wakaf, zakat dan infaq (sedekah) di UiTM Melaka melalui saluran Facebook (FB) dan Intagram (IG) rasmi Unit Waqaf, Zakat dan Infaq (EL-WAZIF), UiTM Cawangan Melaka.*

### Pengiklanan (Media Sosial)



Facebook EL-WAZIF UiTMCM



Intagram elwazif.edu.my





SUMBANGAN WAKAF  
DUSUN ILMU  
**JUMLAH TERKUMPUL  
SEHINGGA OKT 2021**

**KUTIPAN RM79,573.38**  
**PERBELANJAAN**  
**RM RM33,363.88**  
**SASARAN RM150,000.00**

Sumbangan boleh disalurkan ke akaun BANK ISLAM  
UiTM Cawangan Melaka 04024010017652  
(Reference: 'Waqaf Dusun Ilmu').

Sebarang cadangan atau bahan untuk dimuatkan ke dalam e-buletin EL-WAZIF sila hubungi:

**Editor:** Mohd Nabil Zulhemay  
nabilz@uitm.edu.my

Like & Share **Facebook EL-WAZIF UiTM Cawangan Melaka**

Pejabat Unit Waqaf, Zakat dan Infaq (EL-WAZIF),  
UiTM Cawangan Melaka,  
Kampus Alor Gajah,  
78000 Alor Gajah, Melaka.  
el-wazif@uitm.edu.my